

續修陝西省通志稿

第壹百冊

卷一百九十至一百九一

續修陝西通志稿卷一百九十

物產一

富國裕民物產尙焉周禮以土宜之法辨其名物教稼穡蕃鳥獸毓草木故司稼掌染設其官山虞林衡修其職邠人掌金玉錫石之地以守之立法如是詳備者厚民生利民用也降及後世六府不修古制寢廢川澤原隰之所宜山林河海之美利國家不視爲要政而儒生或起而爲之陸機疏詩郭璞註爾雅一名一物考據詳明汜勝之種植書則論農產賈思勰齊民要術則講樹藝張華志博物稽含狀草木李時珍撰本草綱目雖注重藥品而萬彙靡遺乃集物產之大成之數君者其於物之名色功效推闡盡致民生日用實利賴之不僅多識鳥獸草木之名而已今值物力競爭時代一國之物產優劣一國之強弱繫之倘於天之所生地之所

藏形態生理不求甚解甚或有橙柚不分黍稷不辨將何以施人功宏民用自存於物競天擇之時哉關輔號稱陸海沃野千里物質堅美幽風蠶桑周原禾黍富庶隆規不顯百代關中三山記載終南多金銀銅鐵藍田美玉丙穴嘉魚迭見史乘渭河之石魚著於金台紀聞汧陽之石墨詳於潛確類書凡此等物均宜蒐討矧夫森林畜牧石油石棉南北山天然美利尤更僕莫能數也自罌粟流播群趨逐末重要農業若紅花茜藍之類秦地昔年盛產者今則寥寥無幾嘉禾減色樹藝不進有自來矣現值歐化東漸科學發達因物制用存乎其人富源如何開闢物質如何改良智者創之巧者述焉利國福民之道其在斯乎爰將發明於古者稽群書以求其是出現於今者訪土俗以拾其遺聞或名存而實亡亦必紀之舊志分十二類凡千種有奇茲於貨類中分出礦物增爲

十三類曰穀曰果曰蔬曰藥曰貨曰鑛曰草曰木曰禽曰獸曰鱗

曰介曰豸

物產一 穀屬 果屬 蔬屬

穀屬

黍 黍可為酒 許慎說文 黍者暑也待暑而生暑後而成 程瑤田

曰唐蘇恭誤解陶弘景稷黍相似之說遂於黍中求稷陳藏器

因謂黍如稷黑色而孟詵寇宗奭亦踵蘇恭之謬所見不同均

之誤也以形狀言黍穗聚以稷散葉細長而尖實有白紅黑數

種 長安訪冊案程瑤田云唐以前則以粟為稷唐以後則以黍為稷舊志據馬志之辨證謂黍即糜與九穀考符合

稷即高粱又有蜀黍蘆稌荻梁等名蓋高大如蘆荻故俗有諸

名種始自蜀故謂之蜀黍 本草綱目 程瑤田曰稷北方謂之高梁高

大似蘆月令鄭注首種為稷管子書曰高粱為稷郭璞爾雅注

釋粟爲稷孔穎達於曲禮稷曰明粢釋曰稷粟也韋昭注國語

曰稷梁也陶弘景云黍稷相似諸君之論誤稷也而兼誤梁其

究且貽誤於黍九穀考高粱有白黑兩種白穗圓上尖宜飯黑穗

芒散下垂宜釀酒岐地黑種多亦較優岐山訪冊土人呼爲稻黍高

八九尺粒紅黑大如椒可炊飯釀酒農家多用以飼畜穗可作

筴咸陽訪冊

梁 梁即粟也許慎說文云粟之爲言續也續於穀也古者以粟

爲黍稷梁秫之總稱而今之粟在古但呼爲梁後人乃專以梁

之細者名粟本草綱目程瑤田曰說文釋禾粟之有稟者也其實粟

也其米梁也一名嘉穀言色曰黃茂鄭氏注太宰職九穀中無

粟此言九穀以粟爲主則是梁即粟矣九穀考有赤白黃各種群

芳譜北人謂之小米粟未取皮曰粟穀商南縣志穀有竹葉青黃瓜

萋霸王鞭及紅酒穀白酒穀訪長安冊穀草秣馬宜訪岐山冊

稻 說文稻稌也程瑤田曰稻稌大名也種於水田者為稻非水

田種者曰稊稊早熟稻晚熟稊米硬稻米軟考九穀有稊糯二種

稊供飯食糯則釀酒製飴糖續南鄭縣志最佳者名冷水稻色光潤

粒白熟早者名小白稻粒大熟遲者名飯稻皆稊之屬也糯稻

分有芒無芒二種可釀酒亦可和棗蒸糕訪長安冊香稻出豐渠黃

池二地煮粥稠粘清香撲鼻訪西鄉冊

麥 說文麥金也金旺而生火旺而死農桑輯要稱為宿麥孫思

邈云麥養心氣陳藏器云小麥受四時氣足兼有溫寒麵熟麩

冷考九穀北方麥晝花陽物也食之體健南方麥夜花陰物也食

之損人經韻樓集春種者曰春麥秋種者俗謂老麥鄉間用老麥莖

作草帽即詩家所詠白接籬用最廣縣志麥有老白紫紅螞蚱

續文通志高 卷一百一十一 物產一 三

藍花等名惟魯家莊至青化以北所產之麥實堅顆圓色紫色

勁掛麵非他處可比訪岐山蕃麥苗稍高實類小麥而大性硬造

酒佳漢中府續志蒼耳案本草綱目云收麥以蠶沙和之避蟲或

法穗也又植物辭典云黑穗名園飛包預他穗或落以入土壤有傳染性

貯且麥法種又可增加收量固不萬物免除變黑穗有病而止麥之化區之

生以灰窖麥法伏天曬極乾覆以石灰埋之不

大麥 廣韻來小麥也牟大麥也二者皆稱宿麥九穀考大麥後小

麥而種先小麥而熟穗大芒長粒有粗殼可釀酒造糖春去殼

名麥仁煮食佳但性寒不宜多餐咸陽訪冊

青稞麥 粒似小麥而大色青作麵脆硬食多脹人關中一種青

稞粒小色青用以飼馬陳承說青稞介小麥大麥之間亦早熟興平

穞麥 穀厚而粗硬別錄麥蘖附見穞麥下而大麥無之則生蘖

當以穞爲良

綱本
草目

程瑤田曰玉篇云穞大麥也考崔實言種大

小麥以白露節爲始惟穞麥早晚無常是大小麥外復有穞麥

非謂大麥名穞也

九穀
考

蕎麥 高一二尺赤莖綠葉白花繁密結實纍纍有三稜老則色

黑性最畏霜

綱本
草目

群芳譜苦蕎似甜蕎而無稜甜蕎麵白宜山

地有春蕎秋蕎二種春蕎花紅秋蕎花白麵作餅餌梗與葉燒

灰可作鹼

寧堯
訪冊

秋禾中之最晚者立秋後種之則爲晚蕎結實

較早蕎繁密經霜則粒秕色黃不若早蕎肥黑磨麵壓漏成條

滑如細粉謂之河漏以供常食

咸陽
訪冊

燕麥 一名雀麥燕雀所食故名

綱本
草目

燕麥穗極細子亦細小春

去皮作麵蒸食及作餅食皆可救荒

救荒
本草

一名莢麥可作炒麵

酥糖之用

白河縣志

有老小二種粒細長似菰米宜山地

訪山陽冊

玉蜀黍

一名玉麥一名包穀高六七尺雄花生於頂端雌花生

於葉腋其實密列成行裹以巨苞端有紫毛如絲粒供食用及

釀酒澱粉

詞源

有黃白二種又有一葉一包者名洋包穀質美味

甜產亦最多

寧北雅美利案植物詞典玉蜀黍係北雅美利案植物今秦地遍種

沙米

邊外名黍喇棘莖如麻葉類艾而稍圓有刺高尺許生子

成房粒細如黍

舊志

係野生其實為末和麥麵食之最佳價倍於

米晉商多販載之

榆林志

根葉類蒿生沙中其子研末入麵黏而

不斷

米脂縣志

苧米

音網

一名守田一名守氣苗似小麥而小四月熟可作飯

草本

神木縣生味甘寒

舊志

西米

莖葉枝幹類紅蓼穗紅大如馬纓粟殼黑色米白土人炒

熟入米糖內曰麻糖

縣志

荑稗

荑米之在太倉

莊子

稗子亦可食又有烏禾生野中如稗荒

年可代糧

陶別錄注

稗有二種一黃白色一紫黑色紫黑者似芑北

人呼爲烏木

拾本草

商州有之

商州志

大豆

夏至前後下種苗高二三尺葉團有尖秋開小白花成叢

結莢長寸餘豆有黑白黃褐青斑數色

本草綱目

可作腐可取油

商南

縣志

性甘溫無毒能寬中下氣消水腫

輿地志

平鄉

黑豆粒小而扁瘦

含油質較多儲存可以備荒飼畜糞田最宜

採訪冊

赤小豆

一名赤豆關西河北多食之

本草衍義

枝葉顆粒均似綠豆

色微青半赤色者赤名小豆可入藥

縣志

綠豆

苗高尺許葉小而有毛秋開小花莢如赤豆莢有官綠油

綠摘綠拔綠生芽爲菜中佳品

本草綱目

能掛粉煮食消腫除熱解

諸毒

土平鄉志

豌豆

一名胡豆種出西胡蔓生有鬚葉對生花淡紫色莢長寸

許子圓又有野豌豆粒小不堪食惟苗可茹

本草綱目

圓者名豌豆

扁者名華豆今縣俗呼扁者曰扁豆京師則曰扁豌豆出回鶻

國又名回回豆

米脂縣志

有菜白麻三種菜豌豆止可食角

寧羗縣志

春

種者名春豌豆

府谷縣志

豌豆為畜料並能為粉以麵色黃謂之黃

粉食之佳

興平鄉志

扁豆

一名板豆又名賓豆高尺許花粉紅莢小扁磨麵食耐飢

又可和米炊粥及作涼粉

探訪冊

豇豆

三四月種之一種蔓長一種蔓短其豆紅色居多莢必雙

生嫩時充菜老則收子可菜可果可穀乃豆中上品

本草綱目

一種

俗名打豇結莢較短子可作食不能作蔬

長安縣志

鹹平無毒理中

益氣補腎健胃

興平鄉志

蠶豆 豆莢狀如老蠶故名八月下種冬生嫩苗可茹葉面綠背

白二月開花紫白色

本草綱目

此種蝗所弗食豆之最益於民者

農政

全書

一名胡豆可作飯并可作醬

寧遠訪冊

藊豆 一名沿籬豆二月下種蔓生葉圓有尖花如蛾形莢有長

有團或如虎爪豬耳或如鎌刀嫩時可充蔬子有黑白赤斑四

色

本草綱目

蛾眉豆豬牙豆門扇豆皆藊豆之屬白藊豆和糖食之

稱佳品

採訪冊

四季豆莢似刀豆較長而略圓滿

長安訪冊

刀豆 以莢形命名也蔓生葉如豇豆而稍長結莢扁平嫩時煮

食醬食蜜煎皆佳老則收子淡紅色煮食尤美

本草綱目

莢短而闊

形如刀故名

長安訪冊

脂麻 一名胡麻又名油麻張騫自大宛得來故名莖方花白亦

有帶紫豐者節節結角長寸許有四稜六稜七稜八稜不同子

有白赤黑三色其一莖獨上者角纏而子少開枝四散者角繁

而子多

本草綱目

味甘寒榨油香美

漢續

中府志

黑者入藥名巨勝

商縣志

亞麻

一名壁虱胡麻苗葉俱青花白八月上旬菜其實

圖本

草經今

縣俗名胡麻其實亦可榨油但不及脂麻之佳

米脂縣志

麻子

早春種為春麻子小而有毒晚春種為秋麻子入藥佳壓

油可以油物

本草拾遺

月令秋食麻與犬鄭氏注周官稱為九穀之

一

九穀考

麻有兩種無實者為臬俗名花麻可漚有實者為苴俗

名小麻可榨油

米脂縣志

稔 味與脂麻畧同粒可取油

漢續

中府志

薏苡仁

一名薏珠子二三月宿根自生其米白如糯米可作粥

或屑麵食亦可同米釀酒一種殼硬者其米少可作念珠根白

而味甘

綱本草

鎮安山陽有之

舊志

荏子

薺之荏菽

雅大

荏即白蘇二三月下種或宿子在地自生莖

方葉圓而有尖四圍有鉅齒面背皆白收子打油燃燈或熬之

以油器物

綱本草

生山中結子可榨爲油

華陰

縣志

果屬

梅 梅杏類也樹葉皆畧似杏葉有長尖先衆木而花其實酢曝

乾爲脯子赤者材堅子白者材脆

陸機詩疏

梅有五種

南鄭

縣志

杏 杏葉圓而有尖二月開紅花甘而有沙者爲沙杏黃而帶酢

者爲梅杏青而帶黃者名柰杏其金杏大如梨黃如橘西京雜

記載蓬萊杏花五色蓋異種也

綱本草

杏核仁俱有毒惟巴旦杏

核仁無毒

華陰縣志

銀杏 形似小杏而核色白今名白果樹高二三丈葉薄有刻缺

面綠背淡二月開花成簇青白色一枝結子百十狀如棟子經

霜乃熟爛去肉取核爲果

綱本草

即白果樹也高可十餘丈大數

十圍嶽祠一株近枯死朝元洞一株枝葉茂密結實繁多

華陰縣志

桃 桃品甚多有紅桃繡桃白桃金桃以色名者也有綿桃油桃

方桃匾桃以形名者也有早桃冬桃秋桃霜桃以時名者也並

可供食

綱本草

華山東有桃林所種胡桃桃開花早繁艷而實不中

噉核多縐紋名物志謂之羗桃

尚書疏 桃林

李 綠葉白花種近百熟早則麥李御李熟遲則晚李

綱本草

上林

苑李有十四種今僅赤青綠黃數種惟名御黃者佳

西京雜記

車下李 一名郁李又名棠棣樹高五六尺葉花及樹並似大李

惟子小若櫻桃甘酸而香少有瀟味

綱本草

山野處處有之子熟

赤色亦可噉

別錄注

郁李仁每年送司解部

鄆州志

梨 樹高二三丈尖葉光膩有細齒二月開白花如雪梨品甚多

桑樹接過者則結子早而佳有青黃紅紫四色乳梨鵝梨消梨

俱為上品可以治病

本草綱目

有正圓橢圓二種橢圓者名確梨味

佳

米脂縣志案此秦地通產淮邠州有一種平頭梨實圓頂平甘脆無渣本草謂好梨多產於北土是也

山梨 本草名為鹿梨野梨也處處有之大如杏可食其實酢亦

有美脆者

本草綱目

山梨即秦風所詠隰有樹檟也毛傳訓赤羅今

縣俗名安羅

米脂縣志

棠

杜甘棠也

爾雅

赤者杜白者棠樹似梨而小葉有鋸齒二月

開白花實如小楝子霜後可食其樹接梨甚佳有甘酢赤白二

種

本草綱目

今俗所謂杜梨者實小而澁不堪食然乾隆十三年歲

飢鄉人有藉此以生活者未可忽也

華陰縣志

榘 樹榘梨食之則美嗅之則香淮南榘梨可於口莊榘似小梨

味劣於梨與木瓜入蜜著湯則香美過之王楙農書

榘梓 樹如林禽花白綠色本草拾遺大者如梨味甘而香食時以巾

包擊碎其味甚佳遊宦紀聞關陝沙苑出者更佳宋梅堯臣得沙苑

榘梓以詩記之大訪冊

櫻桃 一名含桃仲春天子以含桃薦宗廟禮記其木多陰先百果

熟深紅色者謂之朱櫻紫色有細黃點者謂之紫櫻正黃明者

謂之蠟櫻小而紅者謂之櫻珠極大者有若彈丸核細而肉厚

圖經一名鶯桃鶯多食故名咸寧縣志有二種一櫻桃一瑪瑙櫻桃

長安訪冊

枇杷 葉微似栗冬花春實其子簇結有毛四月熟大者如雞子

小者如龍眼白者為上黃者次之楊萬里詩大葉聳長耳一枝